

欽定剿平三省邪匪方略

欽定剿平三省邪匪方畧正編卷二百八十一

辛酉

十月二十三日

丙寅

勒保奏言探得湯劉等逆被

官兵連日拏剿所有分竄土黃壩樊噲店等處

之賊均有奔竄八臺山之勢該處路通城口並

馬家營等處老林

臣

一面飛飭阿哈保薛大烈

等先行抄截入臺山去路

臣

一面帶兵由土黃

壩樊噲店進發初五日該匪等已竄過太平之

舊縣壩距八臺山七八十里薛大烈等當卽帶
兵向油房溝抄出臣緊躡賊尾前進初六日申

刻該匪竄至八臺山下之後漕子山溝屯聚薛

大烈等卽派副都統銜協領達斯呼爾岱副總

管格亨得爾委叅領台清阿等帶領馬隊從山

後溝內繞出薛大烈督同副將張績海常叅將

李錦麟羅聲臯等帶領官兵翻山下壓又派遊

擊桂涵晉之璉分帶鄉勇潛赴後漕子左右山
坳埋伏乘夜進發天將明時官兵大隊翻過山
頂塹口賊匪倉皇四散我兵鎗箭齊發斃賊百
餘名生擒男婦一百五十七名口適達斯呼爾
岱等馬隊由山溝抄出追殺又斃賊數十名桂
涵晉之璉等埋伏山坳亦擒獲竄散賊匪八十
七名當將所擒男婦查訊內有探馬頭張大文

旗手馬良成郁二榆及戰手湯廷輔等六十四
名審明後卽行正法其餘高心全金謝氏等一
百七十七名口均係新擄難民照例遣送回籍
探得該匪連夜由白沙河向邱家坪窩坑一路
逃竄薛大烈等緊躡追擊臣帶兵自土黃壩樊
增店一路沿途搜獲落後賊匪共計一百十二
名內有何金桂等八十九名均係被脅未久之

人當卽給與路票口糧遣令回籍其餘剝長貴等二十三名俱係戰手當卽正法初七日趕至白沙河適薛大烈追賊已至該處遂與會合緊躡賊蹤由虎溪霸趙家壩高坡子官渡灣等處直追至太平西鄉交界之界牌地方賊匪向西由魚渡壩木竹河一路逃去初九日薛大烈帶領官兵追入西鄉激勵將士不帶鍋帳各裹乾

糧連夜進發賊匪先向九真壩奔竄我兵從長
嶺抄道截住賊匪折向泉溪河有竄簡池壩之
勢我兵復抄出餓子壩截住賊匪隨折回南竄
我兵趨行一晝夜計程二百三四十里初十日
未刻直追至通江縣屬羅村地方趕及賊匪距
該匪分出戰手四五百人據險抵敵其餘先行
翻山奔走薛大烈當卽率同達斯呼爾岱格亨

得爾張績羅聲臯桂涵傅廷佐等督率馬步官
兵鎗箭齊發斃賊二百餘名餘匪潰逃薛大烈
等復督兵緊躡沿途拿獲男婦一百十四名口
內訊出大旗手王朝禮羅思萬高廷舉及戰手
劉大成等共三十一名當卽正法其餘男婦葉
向葵冉王氏等八十三名口訊係江北長壽大
竹等處被裹未久之人均派弁兵解交太平縣

分別遣送回籍該逆等由竹峪關向絲羅壩一

帶竄去維時

臣

聞薛大烈已將賊匪截回川境

當卽趕向前敵督剿十二日行抵官壩適薛大

烈帶兵前來會合查絲羅壩係通江地方西走

巴州卽係腹地南走黃中堡等處路通後河係

太平運道若官兵尾追前進轉恐賊匪深入腹

地或擾及運道是以

臣

督同薛大烈等從太平

抄向清花溪長壩一路兜剿以冀及早辦竣至
李彬股匪據候補道劉清稟報近日竄至楊家
坪當派守備何天順帶兵由程子山土墻坪一
路堵截該道會同遊擊陳弼帶領鄉勇向烟溪
一路進發九月二十四日李彬行至瓦石舖距
水過河陳弼督率軍功李盛玉何成龍帶領鄉
勇並賊夥內新近投出之李元受等突出衝擊

立時斃賊三十餘名賊中臨陣棄械投出頭領
龐仕聰李彬之妻舅張二猴子探馬頭孟存義
王志大旗手王守尊及戰手王長子等六十三
名餘匪撲水淹斃者甚多李彬亦撲水過河仍
向楊家坪一路逃去二十六日賊匪復由馬草
坪竄至雞子頂守備何天順督兵在山梁截住
該匪沿河向毛峪鎮奔竄該道帶領李元受等

招令賊夥投出免死當有僞總兵孔老八泗水
過河來投又據通江縣知縣徐廷鈺稟稱辛聰
股匪近由陝竄入通江當有新投出之老教掌
櫃閻天明等稱與辛聰平素相好情愿寄信前
往招撫查通南一帶賊股自李元受投出之後
賊夥聞風踵至者頗多招撫似有成效但賊性
狡猾難憑終須憚以兵威臣前派總兵田朝貴

帶兵前往目下已與劉清會合諒劉清得此兵

力聲勢更壯可以刺撫兼施至

臣

一路連日追

賊打仗官兵並無傷損惟因賊踪散竄分路差

人偵探有探事把總何正貴兵丁王正剛錢貴

等遇賊被圍擄去王正剛錢貴乘間逃回據稱

把總何正貴被賊捉去時直認係探事差官罵

賊不屈被害甚慘查何正貴微末弁員能知大

義不屈於賊致被慘害殊堪嘉憫可否優加議
卹之處出自

聖恩奏入

上命軍機大臣傳諭勒保曰此次湯劉等逆由太平
之舊縣壩竄至八臺山屯聚經勒保督同薛大烈
等趕緊追剿先後共殲擒四百餘名殺賊雖不爲
多但該匪被剿緊急向陝省西鄉之漁渡壩一帶

奔竄時勒保當將滿漢將弁交薛大烈帶領緊追
復將該匪兜截回川不使深入陝境所辦尙是薛
大烈鼓勵兵勇晝夜追剿不辭勞瘁其功甚屬可
嘉著交部議叙至李彬一股經劉清帶領鄉勇於
烟溪一帶奮力剿捕該匪隻身撲水過河向楊家
坪逃逸看來李彬已就窮蹙其股內之僞總兵孔
老入棄械來投情形似近興切但賊匪反覆靡常

究難盡信卽投出之閏天明等稱與辛聰平日相
好情愿前往招撫該逆等果能悔罪投誠自當貸
其一死若必招之使來恐該逆等以官兵急將歲
事勸令投順或竟有挾而求必得官職始肯投出
殊屬不成事體况鄉勇等隨征打仗立功方能與
以官職而此等投出匪徒既免其死復又遽邀職
賞鄉勇聞之寧無解體目下機宜以剿爲正辦受

撫則可招降則斷可不必前據德楞泰奏已將龍
紹周一股辦竣卽日移師馳赴川東協剿湯劉股
匪勒保此次發摺想尙未接到此信現在湯劉一
股係勒保專辦所剩不過千餘人如於德楞泰未
到之先能將此股迅速殲淨卽係勒保首功必當
懋膺上賞方今氣候凝寒朕屢念軍營帶兵勞勦
著賞給勒保貂皮馬褂一件薛大烈天馬皮馬褂

一件以示體恤勒保等尤當勉益加勉不可因賊已潰敗稍爲鬆勁此次差往偵探之把總何正貴罵賊身死甚屬可嘉著加恩照千總陣亡例咨部賜卹

二十九日

壬申

德楞泰奏言

臣

於初八日移師西

進探剿湯劉一逆卽由大寧之徐家壩取道寶塔行走十三日行抵竹谿屬之張公橋途次探

報紅茶園一帶有由湖北水田坪竄來賊匪二百餘名滋擾卽派令總兵蒲尙佐協領明德副總管蘇清阿叅將馬應國馬元遊擊沈洪等帶領兵勇前往剿捕臣仍帶大隊由通坪西行十五日行次寶塔該處係夔州府開縣分路之處所有前調太平之兵馬軍裝陸續趕運到營因營中尙有綠營兵百餘名患病未痊臣親加查

驗均令遣回原營調治以示體恤而節糜費現
在存營滿漢馬步兵勇四千餘員名以之調派
剿辦儘敷佈置十六日蒲尙佐等帶兵回營稟
稱十三日行抵清平寨詢據寨民彭安國稱昨
有一股賊匪二百餘人由竹谿薛家坪田家坪
竄屯紅茶園當因霧雪交作天色已晚我兵屯
於寨後次日天明蒲尙佐乘霧雪漫漫之際卽

將兵勇分爲三路令叅將馬應國都司曾壽守
備李榮陞龍必達帶兵勇由左手混沌溝抄出
紅茶園之北令叅將馬元都司彭家棟守備李
鳳鳴帶兵勇由右手雙家槽出紅茶園之東蒲
尚佐率領協領明德副總管蘇清阿遊擊沈洪
都司賀廷印叅草都司馬光宇帶兵勇由南面
二層山老林直搗賊巢三路進剿賊衆慌亂直

向張磨寨狂逃官兵齊力趕追殺賊二十餘名
生擒田國柱等二十餘名訊稱此股賊匪元帥
係葛騰勝不過二百餘人蒲尙佐等奮力趕追
沿途殺賊五十餘名生擒潘登才等七十餘名
餘匪被迫竄走全竹槽鑽入老林詎該處前面
盡係峭壁懸崖我兵分投三面圍剿殘匪無路
奔逃盡被截向西面崖邊滾崖跌死並無一名

漏網旋派令兵勇繞至崖下見跌死賊屍四十
餘軀卽割取首級令投首出力之席國倫楊正
修等逐一指認內有襄陽教首吳天珍僞元帥
葛騰勝旗手楊文等首級三顆其餘俱係陳賊
並令田國柱等指認確實隨將獲犯一并解到
訊出被擄難民羅希臣等四十八名就近交奉
節縣妥爲安插其田國柱潘登才等四十七名

均係戰手一概正法惟近據梁山縣稟報大竹
渠縣界上另有一股不知姓名賊匪滋擾無兵
跟剿有奔竄下游之勢又據探報雲陽沙沱子
地方現有賊匪數百名在彼游奕查大竹渠縣
係屬腹地該處前有湯劉二逆竄擾擄掠經勒
保帶兵甫行肅清而湯劉二逆敗殘後又向溫
湯井一帶逃竄勒保督率阿哈保薛大烈等已

帶兵緊躡前進至大竹渠縣雲陽兩處之賊現
在雖無兵剿辦而賊踪已在我兵之西臣卽帶

兵西進確探兩處賊情何股就近卽當趕緊剿

除奏入

上命軍機大臣傳諭德楞泰曰此次德楞泰本欲移
師西向探剿湯劉二逆中途至紅茶園地方知有
賊匪二百餘人在彼竄屯當派將弁兵勇三路進

攻殲斃僞元帥葛騰勝並殲獲賊匪共一百六十
餘名其餘皆滾崖跌斃雖係零星小股並無一名
漏網所辦尙好其出力將弁統俟大功告竣一體
加恩又據稱大竹渠縣兩處均有不知姓名賊匪
在彼游奕此等股匪或百十人或二三百人到處
竄匿恐此外尙有無名匪徒在老林內遁藏均須
搜捕淨盡德楞泰或親自督兵剿辦或派員分投

剿洗總期隨剿隨進勿留餘孽德楞泰沿途辦竣
零星賊匪自應馳赴太平一帶會同勒保剿辦湯
劉大股之賊以期迅速蒇事

同日慶成奏言臣前隨經畧額勒登保一路於

川陝邊界帶兵剿賊至南江水田坪因有張添
倫一股賊匪西奔廣元寧羌一帶老林額勒登

保令臣帶兵趕回截剿並令會同副都統慶溥

於陝境西北一帶防堵

臣

當卽趕回與慶溥等

備堵剿事宜並偵探張逆竄踪進剿嗣據探報

張添倫殷匪西奔廣元之兩會寺溫水壩一帶

該處有不知姓名賊匪一千餘人自八九月間

遊奕至今倚恃山險林深出沒擄掠張逆亦卽

前往合夥等語

臣

當卽帶領兵勇由卦子山入

林探剿至寧羌之常家山該匪等西竄尖場子

張家溝距廣元縣一百餘里恐其繞出西北隨將步兵留紮關口壩卡外先帶官兵馳往廣元以北曾家河王家壩等處探迎並知會川省備糧傳諭附近義團民勇協同向南迎擊該匪等竟由尖塲子折回奔流沙坡之勢並聞張逆已分夥向東南逃竄現在之賊係楊開甲餘孽臣先派關口壩防上叅將李殿元等抽帶兵

勇赴瘦嶺子以遏該匪復折西北之路又令裕

將吳亨衍遊擊張聯奎等速帶步兵鄉勇趕緊

自東北進剿

臣

亦卽趕赴東南接續步隊進剿

十五日二更發兵天甫黎明齊到流沙坡賊匪

不料官兵驟至驚慌退拒叅將吳亨衍遊擊張

聯奎都司李廷彪馬伏全守備王登科等分帶

兵勇奮力攻撲賊匪傍林恃險捨命滾石抵禦

正在相持守備張起鰲分帶兵勇從旁衝入賊
隊各兵勇乘勢搶上山梁併力剿殺將賊分作
三股兵勇分投截殺忽見賊中一人持刀攔砍
敗賊退而復回直前衝撲愍不畏死我兵施放
鎗礮力敵守備張起鰲帶領兵勇壓下斃賊二
三十名該匪敗潰我兵爭先追剿又斃賊五六
十名生擒一百餘名當賊匪驚亂敗竄之初有

鄉勇吳炳通認定持刀攔回敗匪之人首先奮
勇殺入賊羣捉獲扭下崖坎把總齊慎馳往協
同擒住訊係此股首逆楊麟生係楊開甲之子
臣仍督催兵勇分投追剿三四十里沿路斃賊
一百七八十名生擒三百七十七名各路搜林
又獲賊四十一名前後共計殺賊二百數十名
生擒五百二十一名查訊獲賊內有川楚積年

戰手陳高等八十九名並認出僞先鋒張文喜
總探馬頭李奎二人當卽全行正法有新擄附
近民人全良貴等一百十五名並川陝被裏民
人二百七十餘名分別給票遞籍安置首逆楊
麟生訊取確供卽行斬割以彰

國憲此朕西北游奕之賊已經剿潰尙有張魏兩
小股先後東遁並接西鄉一帶營卡稟報又有

兩股不知姓名零匪向西竄來

臣

現帶兵勇卽

由沿卡探蹤向東前進再接慶溥來信探聞十

六日夜間忽有賊匪一二百人由老林突出板

蒼壩向西逃竄尙未接據各營卡稟報不知何

股殘孽現帶弁兵趕往攔剿並知會總兵永明

亦帶兵山大路抄迎等語查漢南汚寧一帶慶

溥永明去後別無大員現在川境大兵以次剿

賊難保餘匪不奔竄陝界在在均須嚴堵若

復追剿零匪更覺空虛隨派陝西遊擊張汝勤

抽帶鄉勇三百餘名又檄調寧羌營弁兵二百

餘名先赴棧道向西路黑河一帶探蹤併力截

剿仍聽慶溥隨時調遣以期及早掃淨伏思

臣

等屢奉

諭言飭令嚴防賊匪竄越乃

臣在廣元縣流沙坡剽

賊之日突有零星殘匪乘夜逃竄西路究係防範不密所致咎無可辭除將防卡疎縱之員查明具報經畧勅叅懲治外應將臣疎防之處一

併呈報經畧額勒登保據實叅奏奏入

上命軍機大臣傳諭慶成曰慶成帶兵馳赴廣元流沙坡地方生擒楊開甲之子楊麟生及僞先鋒張文喜等痛殲賊匪所辦甚好實屬可嘉慶成著加

恩賞給一品頂戴守備張起鰲分帶兵勇直入賊
隊斃賊甚多亦屬奮勇著加恩以都司陞用鄉勇
吳炳通把總齊慎拿獲逆匪楊麟生均屬出力把
總齊慎卽著以千總陞用鄉勇吳炳通如本有頂
戴著加陞一等如無頂戴著加恩賞給八品頂戴
並賞戴藍翎其餘如尚有出力將弁著慶成查明
呈送經畧額勒登保具奏至此股賊匪併首逆姓

名向來總未據各軍營提過又據稱張嫻兩小股
先後東遁又西鄉一帶有兩股不知姓名零匪向
西竄來可見川陝交界地方此等素未知名匪匪
尙多慶成係專派在陝境西北一帶防堵之員若
必待賊匪竄近始行剿辦則此股甫淨他股又來
何時始能辦竣惟當隨時偵探何處有賊藏匿或
分派將弁前往搜捕或親往督剿使該匪等不能

潛身山內以期搜捕淨盡至所稱接到慶溥來信
探聞忽有賊匪一二百人由老林突出向西逃竄
慶溥永明各帶兵勇前往追捕一節此股賊匪雖
祇一二百人但向黑河一帶奔竄距甘肅地界不
遠倘任其竄入甘境又形散漫慶成當知會慶溥
永明等務將此股截回陝境迅速殄除至此股零
匪係從何處汛也衝出向西逃竄著慶成將防卡

疎縱之員查明一併具報經畧叅奏

欽定剿平三省邪匪方畧正編卷二百八十二

辛酉年

十一月初一日

甲戌

額勒登保奏言查李彬股匪

經

臣

一路官兵截回後連夜向東南逃竄由蒼

溪之大石坎龍山一帶竄向巴州之恩陽河亡

命疾走

臣

派令遊擊劉健標王兆龍等酌帶鄉

勇五百名躡蹤前進杜其折竄之路

臣

與楊遇

春及馬步兵勇敢取道餽子壩桑樹壩一帶顧定

西北由捷徑抄擊十五日趕抵恩陽河接見總
兵田朝貴據稱勒保派令探剿李彬股匪連日
由巴州一帶取道前來昨至恩陽山正遇賊匪
由黃柏河竄出田朝貴率兵迎擊斬獲數十人
賊衆竄上獅子頭山梁田朝貴帶兵搶上不料
該匪分爲兩起竄伏趁我兵前起追上山梁時
後起之賊由溝中奔出擾訛鍋帳後隊我軍將

弁兵勇竭力抵敵攬殺一處田朝貴一面分兵
在山上抵禦一面帶兵轉回奮力殺賊十數名
將賊擊退該匪臣向山後趕上前股之賊同向
青龍坎一路竄去臣深爲焦憤查探該匪距我
兵已有二百餘里卽率同楊遇春等由江口板
廟場緊顧北面每日趁月色起營兼程追剿十
八日晚間抵雷公坑探知賊匪在達州屬之劉

家壩屯紮相距五十餘里

臣

遂飭官兵等於山

後潛地紮營畧爲食息卽於二更時發兵令楊

遇春帶同副將蕭福祿叅將劉維馨吳廷剛等

率領兵勇由右面之白山寨周家岩小路抄至

劉家壩後山

臣

督率副都統銜全德侍衛摶欽

保副將張瑗叅將唐文淑特依順保遊擊祝廷

彪等帶領馬步兵勇由左面沿河岸前進五更

時趕抵劉家壩賊匪正在起竄兩路兵勇一齊

衝殺立斃賊匪二百餘人賊勢大潰分路奔逃

一股千餘人由北面遁去楊遇春率同張瑗特

依順保等帶領馬步兵勇跟蹤追殺一股千餘

人向東面逃竄臣督率蕭福祿劉維馨吳廷剛

等奮力追趕該匪翻越熊家灣山梁我軍前隊

由旁路橫衝而上將該匪截爲兩股蕭福祿吳

廷剛等帶領兵勇追殺前股其後股數百人驚慌回竄正值臣帶領後隊官兵趕到遂督飭侍

衛歡格佐領綽卜通阿甲兵德昌等鎗箭齊施

併力衝殺殲斃數十人前隊叅將吳廷剛都司

劉元明外委翟廷書分帶兵勇折回夾攻殺賊

二百餘名生擒八九十名內有賊目魏中均苟

朝萬先鋒王士元趙世佐朱珍及李彬之師王

廷棟等六名臣因追殺緊急飭將魏中均等六

人捆押其餘當俱砍斃尙有賊匪一百數十人

翻山奔逃臣飭令蔚福祿等分帶兵勇覓路抄

殺臣復帶兵緊追至一山峽中擒斬百餘人有

賊目王朝富帶領十三人棄械跪地投誠臣派

兵管押仍督師追剿前面奔逃之賊該匪已由

關爺廟馬渡關向東逃遁湯遇春等官兵由淺

壩場尖山寨追剿前進沿途亦斬獲一百餘人
賊匪竄至大寨門山梁恃險抗拒張瑗等帶兵
奮力上攻張瑗手射數賊賊匪持矛擗刺戰透
綿衣張瑗拔刀將賊矛格倒楊遇春督兵鼓勇
競進搶上山梁賊匪潰敗復追趕三四十里殺
賊二百餘人生擒一百二十餘名內有偽總兵
唐世禮鮮士得朱九青鄧天培何順等五名楊

遇春於日暮時仍收兵與

臣

會合統計殺賊六

百餘名生擒及各處搜拿賊匪五百四十二名

滾崖跌斃及逃散者甚多獲骡馬三百餘頭匹

刀矛旗幟七百餘件並有道員劉清所帶新勇

李元受孔傳世等臨陣喊叫投出苟能新龐思

聰蒲新堂等十人一併帶送到營

臣

將各匪逐一

查訊據魏中均唐世禮等十一名供稱俱係

通巴一帶民人與冉文儔一同起事自冉文儔
冉添元死後推冉添泗王士虎李彬爲元帥王
恒爲老掌櫃我等多是頭目充當總兵先鋒王
士虎冉添泗向與李彬分爲兩股自王冉二人
被官兵擒獲後餘匪七八百人與李彬合夥共
有二千數百人前蒙招撫亦有逃出之人我們
自知情罪重大未敢出投且因李彬防範嚴緊

不能脫身想要逃往陝西經官兵截回大衆商

議祇可往東鄉太平一帶山林內躲避不料官

兵追趕今日皆被擒拿李彬不知從何處逃走

等語臣卽飭將魏中均唐思禮等十一名凌遲

處死其餘燕成美任中魁等三百七十八名均

係積年矛手並有他股內剿散附入李彬王冉

股內之人概行正法其王從治等男婦一百五

十三名口訊明實係被脅未久均交道員劉清
分別安置所有棄械投出之王朝富苟能新等
二十三人卽欽遵

諭旨釋放亦交劉清妥爲安插此次我軍與賊接仗

弁兵鄉勇內受傷者十數名各弁兵鄉勇晝夜
奔馳奮力追剿甚屬艱辛臣已查明擒殺賊目

賊匪出力之人分別賞給銀錠銀牌以示鼓勵

查李彬股匪經此次痛剿之後人數已殲擒過半緊要賊目多被斬獲惟首逆李彬尙未就縛

殊深憤恨現在該匪所存不過千數人向松林

菴火阡河遁入東鄉太平界內

臣

督同楊遇春

已由方山坪追抵城隍廟惟有鼓勵官兵勉力

趕剿以期剋日掃蕩現據總兵田朝貴報到十

四日在黃柏河打仗遊擊賽尙阿都司七十三

孫斯禮守備張雲鳳陣亡弁兵鄉勇死傷共數

十人

臣前於恩陽河見該鎮人尙勇幹所帶兵

勇亦皆強健此次因未探明後起賊隊以致首

尾未能兼顧雖畧有挫折尙屬可用現在勒保

又添派貴州官兵三百餘名與之歸併統計兵

勇已及二千名不爲單弱

臣現飭該鎮將兵勇

安爲整頓並飭川北道李鍊添補鍋帳仍令田

朝貴速卽帶赴廣元一帶剿辦魏逆等股零星
餘匪再查慶成前在寧羌之乾溝河截剿賊匪
兵勇於霧雨中被賊衝突雖時有遊擊和什布
未經回營因無實在下落是以未卽具報茲據
慶成呈稱現已派人將和什布屍身尋獲實係
於打仗時被賊矛連斬數傷跌入崖下頑命相
應據實奏

聞

額勒登保又奏言竊原任陝安鎮總兵柯藩前
因防守山陽染忠特疾未能擊賊經臣叅奏革

職枷號嗣因臣察知柯藩平日帶兵尙屬有方
興安紫陽一帶民人甚爲愛戴復經奏懇

天恩准令釋枷効力自贖又原任巴里坤總兵德忠
去秋因賦匪竄過所管汎地奉

旨革職拿問經長麟審明該鎮因所帶兵單尙無縱

賊遷延情事

恩准留營効力又原任延綏鎮總兵關騰因防守江

岸賊匪分股由茶鎮過江奉

旨革職拿問經臣審擬請將關騰發往伊犁効力贖

罪奉

旨暫留軍營作爲兵丁効力查柯藩自蒙

恩釋枷以後

臣

派令於平利安康一帶帶領鄉勇截

剿德忠於南鄭一帶防守邊境關騰現於西鄉

一帶截剿各該員仰蒙

皇上宥過施仁自新有路一載以來感激奮勉於防

剿處所隨時搜緝殲殺竭盡心力並無疎懈查

從前當剿賊喫緊之際一有疎忽

臣

不得不嚴

恭示懲今各該員皆能奮勉

臣

亦不敢少有拘

況且念該員等自元年率兵出師日久向曾著
有微勞去歲賊勢本屬鴉張或因賊衆兵單或
因地方遼濶先後獲咎其情節均非有心貽悞
現已自備資斧効力年餘雖該員皆係滿洲世
僕情殷自効若竟終身廢棄亦無以遂其犬馬
之忱合無仰懇

聖主逾格恩施俯准將柯藩德忠關騰皆以叅將遊

擊二項酌量補用如蒙

俞允則該員等感戴

鴻慈於陝境防剿事直自必倍加出力

臣

現在川境

亦可放心且各該員年力尚壯曾任鎮將大員

諸事較爲厯練日後於操防營務更屬有裨均

奏入

上命軍機大臣傳諭額勒登保曰此次李彬股匪在

達州之劉家壩屯聚該匪一聞官兵趕到卽分東北兩路奔竄額勒登保派楊遇春等由北面緊追額勒登保親自帶兵由東面追剿兩處先後斬獲一千一百餘人並生擒賊目魏中均僞總兵唐世禮等所辦俱好此股賊匪原不過二千餘人現經額勒登保分路夾擊斬獲過半所存不及千人額勒登保等惟當上緊剿辦將李彬一股剋日肅清

俟捷音馳到卽當加以恩賞其投出之苟能新等
均係久經從賊之人貸其一死已屬從寬祇須妥
爲安插不必再令隨營効用况此時何藉此輩力
量殺賊若令其隨鄉勇打仗形迹之間終不安協
總宜交付好地方官如劉清方積等員妥爲安置
方爲正辦至副將張瑗被號匪持矛刺透綿衣拔
刀將賊矛格斬奮力仰攻殊屬可嘉著額勒登保

存記如該副將再有出力之處卽奏請加恩再田
朝貴因未探明後起賊蹤以致稍有挫折但該鎮
探聞賊匪竄近卽帶兵剿捕並悉力將賊匪擊退
尙屬勇往額勒登保仍飭該鎮率領原帶兵勇速
赴川北剿辦魏逆餘夥所見甚是應卽飭令該鎮
將川北一帶零星股匪迅卽蕩平勿留遺孽所有
此次陣亡之遊擊賽尙阿都司七十三孫斯禮守

備張雲鳳及前次在寧羌一帶陣亡之遊擊和什布俱著加恩咨部賜卹

上諭內閣曰額勒登保奏已革總兵柯藩德忠關騰於防守邊境截剿竄匪俱屬奮勉請加恩以叅將遼撃兩項酌量補用等語朕詳加酌核德忠關騰二人均因賊匪於所管汎地竄越偷渡先後革職拿問嗣經審明德忠在棧道防堵兵力過單並無

縱賊遷延情事關騰防守江岸與賊匪相隔較遠
未能兼顧其獲咎均屬可原是以僅將伊二人革
職作爲兵丁留營効力至柯藩平日帶兵雖尙出
力其在山陽防守時賊匪奔竄過境柯藩因染患
痔疾未出致任賊匪乘間奔竄其咎較重是以將
伊革職枷號俟大功告竣之後尙當發往伊犁嗣
額勒登保奏稱柯藩平素奮勇加恩將伊釋放枷

號留於軍營効力已屬格外寬宥伊等三人於陝
省防堵事宜雖皆熟悉但柯藩之咎較重視德忠
關騰應有區別卽德忠關騰亦不應遽以叅遊錄
用額勒登保所請未免過優德忠關騰著加恩以
都司補用柯藩著加恩以守備補用此三人尙俱
曉暢營伍卽交與慶成及寧陝鎮派赴各營汎防
守如果奮勉出力將來大功告竣尚當格外施恩

量加陞擢若仍前怠玩卽著提鎮等據實叅奏仍
當加倍治罪

初三日丙子陸有仁奏言竊臣於九月十七日接

據探報川省賊匪二百餘人翻越老林由寧羌
之卦子山白岩河竄入沔縣之茶店子一帶滋
擾查茶店子逼近黑河距樓道不及二百里向
爲賊匪奔竄熟習之路南山一帶前經臣竭力

督率搜捕甫經肅清刻下棧道居民紛紛復業
人烟輻輳市集如常若乎匪突然竄擾百姓必
復致驚惶且越過棧道而入南山恐搜剿又須
時日必當扼住東北要路方可不致肆竄蔓延
而其時慶成慶溥永明所帶兵勇俱在西路堵
剿距賊蹤較遠除飛石截剿外猶恐緩不濟急
因思署涼州鎮總兵何郎阿帶兵一千餘名現

在畧陽何家岩防堵該處與汚縣接壤尙可朝
發夕至臣隨選弁卒咨齊郎阿令其迅速帶兵

扼要截剿又恐山逕紛歧一路官兵不能攔堵

周密適通判雜昂帶領鄉勇九百餘名奉經畧

調防西鄉鍾家溝是日行抵漢江之南司渡河

地方離郡城僅一百四十里臣復差弁星夜調

回令由留壩武關西溝一帶馳赴黑河迎頭擊

剿一面飛飭防守留蟠江口遊擊朱集才都司
蘭福守備史克忠等各帶現有之兵分赴要隘
嚴堵並令地方官督率寨勇隨處協剿連日採
得該匪竄至黑河因偵知棧道已有兵勇迎剿
齊卽阿亦繞截而來並經各路寨勇轟擊遂不
敢東趨卽由西北竄入畧陽之大黃院佛洞溝
一帶臣復飛飭雜昂等趕緊兜截無論在陝在

甘總須剋日剪除慶肅現已帶兵追至黑河慶
成亦挑派兵勇入棧轄擊諒此釜底遊魂斷難
久延殘喘至經畧額物登保大兵現已移至通
巴交界督剿又紫陽境內紅崖溝一帶有零匪
一二百人經總兵汪啟帶領官兵並該處寨勇
截剿殲擒數十名餘匪情急有奔回川省之勢
又該縣尙家壩零匪一二百人汪啟亦正帶兵

剿辦其西鄉邊界賊匪出沒無定總兵張鳳等

現在分投採剿所有各路征防兵勇餉銀仰蒙

皇上賞撥兩淮鹽餉三十萬兩

臣

已星飛咨催令兼

程趕解來陝一面仍設法籌辦務令現在各路

軍需不致稍有缺悞再

臣

於南山賊匪押解肅

清之後誠恐尚有一二遺孽潛匿深山老林當

經嚴札地方官督率寨勇到處搜捕此內如審

係被脅難民卽隨時釋放安插其實係殺人放
火賊匪除節經經畧批令正法外茲復據盤厓
縣將拿獲賊目劉二漢一名押解來漢訊係湖
北襄陽白蓮教匪前在張漢潮營內充當矛手
嗣復與伍懷志合夥殺人放火不記次數及本
年八月因賊勢零散該犯潛匿竹林卽被寨勇
搜獲臣於審明後卽將該犯綁赴市曹處斬訖

並查明出力寨勇酌量獎賞奏入

上命軍機大臣傳諭陸有仁曰昨據慶成奏接到慶
溥來信聞有賊匪一二百人由老林突出經慶溥
永明等帶兵追擊慶成又派遊擊張汝勤等前赴
黑河一帶探蹤截剿此股賊匪逼近黑河或闖入
棧道或竄往甘境均有關係連日正深懸念茲據
陸有仁奏一接探報卽選派差弁星夜馳往總兵

齊郎阿軍營令其帶兵就近馳赴該處截剿並派
通判雒昂帶領鄉勇迎擊該匪探知機道已有兵
勇不敢東趨卽由西北逃竄不致闖入機道所辦
甚好陸有仁著賞給烏雲豹馬褂以示嘉獎現在
賊匪已竄入畧陽地界慶溥慶成所派兵勇亦已
趕到此股賊匪卽責成陸有仁督催齊郎阿雒昂
會同慶溥等務將該匪剿除淨盡勿任他竄現在

額勒登保在川境剿賊距陝已遠陸有仁一得峻
峻捷音卽行馳奏如係該撫所派齊那阿碓昂二
人辦竣卽屬陸有仁之功俟奏到再加恩賞至此
殷賊匪係何姓名是否有小賊目在內並著陸有
仁詳細查明拿獲賊目卽在該處審辦錄供具奏
其餘紫陽境內零星竄匪並著陸有仁催令汪啟
張鳳等上緊搜拏總期陝境一律肅清爲要

同日吳無光奏言臣到襄後接准長齡來信十

四日探有零股賊匪竄至房縣南山苦桃園一

帶該處係屬深山老林馬匹不能行走長齡派

令遊擊王占鰲守備馬濟盛陳明等帶領兵勇

步行入山驅擊長齡督率侍衛呢瑪善雙福等

帶領馬隊赴紫竹等處抄擊兩路官兵連日俱

有擒獲該匪知官兵兜截緊急連夜由九道梁

向家壩一路西竄長齡現仍跟蹤追剿並知會

孫清元自東向西分路截擊臣已札飭該提鎮

等上緊搜捕不可再有延緩奏入報

聞